

OBAVJEŠTENJE I SMJERNICE

**ODJEL ZA PRAVDU I INICIJATIVE CIVILNOG
DRUŠTVA
2009-2010. PROGRAM ZA GRANTOVE**

Distribucija:
Opšta
Sarajevo, 20. oktobar 2009. godine
ICMP.JCSI.61.1.bos.doc

2009-2010. PROGRAM ZA DODJELU GRANTOVA

Obavještenje i smjernice

1. ICMP sa zadovoljstvom obavještava da je u mogućnosti ponuditi manje grantove kao podršku projektima udruženja porodica nestalih osoba koja su angažovana na otkrivanju istine o sudbini svojih nestalih, kidnapovanih, pritvorenih, zarobljenih i odvedenih članova porodica. Glavni cilj Odjela za pravdu i inicijative civilnog društva jeste potaći udruženja porodica nestalih osoba da se aktivno uključe u procese zastupanja svojih interesa i aktivnosti zagovaranja koje mogu ubrzati rješavanje pitanja nestalih osoba. Konkurs za dodjelu grantova treba da podrži aktivnosti udruženja porodica na otkrivanju istine o sudbini osoba koje su nestale tokom sukoba u regiji. ICMP saraduje sa svim etničkim/vjerskim grupama koje traže svoje najmilije, nestale tokom sukoba od 1991. do 1999. godine na području Republike Hrvatske (HR), Bosne i Hercegovine (BiH), Republike Srbije (SRB), Republike Crne Gore (MNE) i Kosova.
2. ICMP je osmislio novu strategiju za ovaj program za dodjelu grantova. Kako bi se osigurala održivost sistema i struktura koje su rezultat rada udruženja porodica, te održivost zastupanja, jačanja svijesti i javnog angažmana u procesu rješavanja pitanja nestalih osoba, ICMP usmjerava napore na aktivnosti koje su rezultat novih partnerskih odnosa u koje stupaju postojeća udruženja porodica i novi partneri udruženja porodica. Budući da se prisustvo međunarodne zajednice u regiji ubrzano smanjuje, a s tim i raspoloživa finansijska sredstva, vrlo je bitno da udruženja porodica nestalih osoba uđu u partnerstvo sa drugim relevantnim organizacijama i tako dugoročno osiguraju svoju održivost. Nadamo se da će ove nove koalicije dovesti do udruživanja napora zasnovanih na zajedničkim interesima, te iznalaženja novih metoda i pristupa u rješavanju pitanja nestalih osoba u narednom periodu.
3. Pored podrške u uspostavljanju održivih struktura civilnog društva, koje će nastaviti rad na rješavanju pitanja nestalih osoba, ICMP namjerava podržati stvaranje inovativnih i univerzalnih modela sjećanja na nastradale, koji će prevazići predrasude o zločinima počinjenim u prošlosti i doprinijeti usvajanju opšteprihvaćenog načina kulturnog pamćenja. To se može postići poticanjem dijaloga između preživjelih članova porodica, istaknutih aktera civilnog društva, nevladinih organizacija koje se bave ljudskim pravima, itd., kako bi se aktivno uključili u lobiranje i zagovaranje ostvarivanja prava članova porodica nestalih osoba, te podsticanjem učešća u zajedničkim aktivnostima (okrugli stolovi, izložbe, dokumentarni filmovi, predstave, itd.). Vrlo je važno da se ovo udruženo djelovanje neprofitnih organizacija koje se bave ljudskim pravima, predstavnika državnih institucija i aktera civilnog društva realizuje putem ovog projekta. Jednako je važno i konstruktivno učešće udruženja porodica nestalih osoba kako u stvaranju, tako i u realizaciji ovog procesa.

I. OPŠTI CILJ

4. Opšti cilj uključivanja novih partnera je pružanje dodatne podrške udruženjima porodica nestalih osoba u regiji na kreiranju zajedničkih projekata, programa i koalicija sa akterima šireg civilnog društva, te na jačanju svijesti i uključivanju javnosti u rješavanje pitanja nestalih osoba.

1. Specifični ciljevi

- Ojačati svijest o pitanju nestalih osoba i procesu traženja nestalih.
- Ojačati kapacitete udruženja porodica nestalih osoba kroz uspostavljanje partnerskih odnosa sa lokalnim organizacijama civilnog društva kako bi dali efikasan doprinos u procesima postizanja tranzicijske pravde, mira, međusobnog razumijevanja i jačanju svijesti u vezi sa pitanjem nestalih osoba.

- Podstaci udruženja porodica nestalih osoba na saradnju sa lokalnim i državnim institucijama u procesu zagovaranja prava koja im pripadaju.
- Ojačati kapacitete udruženja porodica nestalih osoba kako bi saradivali sa lokalnim i državnim pravosudnim sistemima u okviru kojih se procesuiraju ratni zločini, podižu optužnice, traže prava porodica nestalih osoba, itd.

2. **Predviđeni opšti rezultati**

- Šira javnost bolje upoznata sa pitanjem nestalih osoba.
- Ojačani kapaciteti udruženja porodica nestalih osoba koji će im omogućiti učešće u političkom dijalogu sa različitim državnim/entitetskim/lokalnim institucijama na rješavanju pitanja nestalih osoba.
- Bolja informisanost o projektima koje realizuju udruženja porodica nestalih osoba i njihovi partneri i korištenje podrške koju pružaju državne i lokalne institucije vlasti.
- Značajno povećanje broja javnih diskusija o pitanju nestalih osoba u sektoru civilnog društva.

II. VRSTE PODRŠKE PROJEKTIMA

- Projekti treba da se sastoje od niza aktivnosti koje se odnose na postizanje vrlo konkretnih i realnih ciljeva, sa jasno definisanim predviđenim rezultatima. Prioritet će imati projekti koji uključuju druge partnere (kao što su neprofitne organizacije koje se bave ljudskim pravima i vladine institucije, partneri iz privatnog sektora, međunarodne organizacije, nevladine organizacije, udruženja, itd.) i/ili projekti čije su aktivnosti usmjerene ka više etničkih grupa.
- Aktivnosti treba da obuhvate jednu od dvije ili obje ICMP-ove prioritete aktivnosti. Prijave se primaju za jednu od dvije vrste podrške: dugoročne projekte ili kratkoročnu podršku.
- Udruženja se podstiču da predlože zajedničke aktivnosti dva ili više udruženja porodica nestalih osoba najmanje dvije različite etničke grupe ili udruženja iz jednog geografskog područja, udruženja iz geografski različitih entiteta ili udruženja iz različitih država, koja dijele istu problematiku. Od udruženja se očekuje i da predlože saradnju između različitih sektora društva, kao što su vladine institucije, međunarodna zajednica, privatni sektor, te druge nevladine organizacije i udruženja.
- Kod zajedničkih projekata, osnovni troškovi učesnika u projektima će se finansirati prema radu uključenih **udruženja** i u skladu sa ICMP-ovom politikom o finansiranju osnovnih troškova. Međutim, ukoliko u realizaciju projektnih aktivnosti bude uključeno neko udruženje porodica nestalih osoba i vladine institucije/privatni sektor, onda će ICMP pokriti samo osnovne troškove udruženja porodica. Prioritet u davanju podrške imaju projekti za koje su drugi donatori (izuzev MKCK) odobrili finansijska sredstva.

i) Dugoročni projekt

- Pravo na prijavu imaju: dva ili više registrovanih udruženja porodica nestalih osoba različitih etničkih grupa; udruženje porodica nestalih osoba i jedna ili više drugih nevladinih organizacija.
- Vremenski okvir projekta: od 4 do 6 mjeseci, sa početkom u decembru 2009. godine.
- Raspoloživa sredstva: 5 projekata po 10,000 BAM /5,000 EUR.
- Način prijave: podnijeti prijedlog projekta u skladu sa ICMP-ovim smjernicama za prijedlog projekta, te pojedinačno navesti aktivnosti svih partnera u projektu. Prijedlog projekta koji nije u skladu sa ICMP-ovim smjernicama neće se uzeti u razmatranje.

ii) Kratkoročna podrška

- Pravo na prijavu imaju: dva ili više registrovanih udruženja porodica nestalih osoba različitih etničkih grupa; udruženje porodica nestalih osoba i jedna ili više drugih nevladinih organizacija.
- Vremenski okvir: jedan mjesec ili kraće od jednog mjeseca za organizaciju određenog događaja.
- Maksimalan raspoloživi iznos po projektu: 4,000 BAM/2,000 EUR.
- Način prijave: kontaktirati ICMP za obrazac za kratkoročnu podršku. Prijedlozi koji nisu u skladu sa ICMP-ovim smjernicama neće se uzimati u razmatranje.

III. PRIORITETNE AKTIVNOSTI

9. Da bi ispunjavali uslove, svi prijavljeni projekti treba da se odnose na konkretan problem ili grupu problema u vezi sa rješavanjem pitanja nestalih osoba, te da spadaju u jedno od sljedećih prioriternih područja:

1) Jačanje kapaciteta udruženja porodica i zajedničkih struktura s ciljem rješavanja pitanja nestalih osoba na državnom, regionalnom i globalnom nivou

10. Ciljevi obuhvataju razvijanje vještina potrebnih da se osigura održivo finansiranje iz različitih izvora na duži vremenski period, razvoj regionalnih struktura u svrhu usaglašavanja stavova u vezi sa pitanjem nestalih osoba, podsticanje bolje saradnje među grupama različitih nacionalnosti/vjerskih opredjeljenja po pitanju zajedničkog zagovaranja rješavanja istih problema.

11. Te aktivnosti mogu biti: zagovaranje, edukovanje i informisanje o procesu ekshumacija i identifikacija, te o radu udruženja porodica; jačanje svijesti društva ili neke druge aktivnosti koje podrazumijevaju i razmatranje međuentitetskih/državnih, međuetničkih pitanja od zajedničkog interesa za ugrožene grupe, itd. ICMP naročito potiče aktivnosti koje uključuju mlade i razvoj kulture.

2) Poticaj inovativnih modela sjećanja na žrtve i komemoracije koji pružaju nadu

12. Cilj je podstaći stvaranje inovativnih i opšteprihvaćenih modela sjećanja na žrtve koji pružaju nadu i prevazilaze predrasude o zločinima iz prošlosti, te doprinose opštem prihvatanju modela kulturnog pamćenja. Od ključne je važnosti značajno učešće preživjelih žrtava kako u stvaranju, tako i provođenju odabranih načina djelovanja. Neophodno je i da se zajedničke aktivnosti i rezultati tih aktivnosti nevladinih organizacija koje se bave ljudskim pravima, predstavnika vlasti i aktera civilnog društva realizuju u okviru ovog projekta. Te aktivnosti mogu biti: iniciranje dijaloga između preživjelih žrtava, istaknutih aktera civilnog društva i intelektualaca s ciljem aktivnog angažovanja u lobiranju i zagovaranju prava preživjelih žrtava, zajedničko kulturno stvaralaštvo (izložbe, dokumentarni filmovi, predstave, itd.), partnerstvo sa nevladinim organizacijama, vladinim institucijama, privatnim sektorom, itd., u aktivnostima obilježavanja međunarodno priznatih datuma koji se odnose na nestale osobe (30. avgust, 10. decembar), itd.

IV. PRAVO NA RECENZIJU ŠAMPANIH MATERIJALA/MULTIMEDIJALNIH PROJEKATA

13. ICMP zadržava pravo na recenziju svih dokumenata, brošura, biltena, internet stranica, dokumentarnih filmova, finansiranih sredstavima iz ovog granta.

V. KRITERIJI ZA DODJELU FINANSIJSKE PODRŠKE

14. Evaluacija prijedloga projekata će se vršiti na osnovu navedenih prioriteta za dodjelu ICMP-ovog granta.
15. Ostali faktori koji će se uzeti u razmatranje su:
- Uticaj udruženja i projekta na zajednicu, uključujući odnose sa vladinim institucijama, drugim nevladinim organizacijama, te privatnim sektorom;
 - Rezultati prethodnih projektnih aktivnosti;
 - Inovativni pristupi ili ideje za nove projektne aktivnosti;
 - Učešće u radu mreža drugih nevladinih organizacija;
 - Prethodno iskustvo u partnerskom radu i/ili zajedničkim projektima;
 - Jasna podjela zadataka među partnerima u projektu;
 - Usklađenost između definisanog problema, ciljeva i predloženih aktivnosti;
 - Drugi izvori finansijske i drugih oblika podrške.

VI. ZAHTJEVI KOJI SE NEĆE UZETI U RAZMATRANJE

16. Zahtjevi koji se odnose na kapitalna ulaganja (zgrade, namještaj, opremu i vozila), adaptaciju prostora, lične dohotke ili neposrednu socijalnu ili humanitarnu pomoć (hrana, lijekovi, ogrjev, odjeća itd.) neće se razmatrati.

VII. ISPUNJAVANJE USLOVA I PROCES PRIJAVE

17. Podnosioci prijave treba da ispunjavaju niz osnovnih kriterija:

i) Osnovni kriteriji za udruženja porodica nestalih osoba

- Iskustvo u vođenju projekata;
- Udruženje mora biti registrovano;
- Dovoljan broj članova za efikasnu provedbu projekta (priložiti spisak članova).

ii) Osnovni kriteriji za nove partnere udruženja porodica nestalih osoba

- Stručno znanje i osposobljenost za uspješnu provedbu projekta;
- Organizacijske sposobnosti i sposobnost vođenja projekata;
- Odgovarajuća metodologija rada ili pristup u radu sa određenim kategorijama, ili iskustvo u tim poslovima;
- Poznavanje ili iskustvo u radu na pitanjima vezanim za tranzicijsku pravdu, ljudska prava, pomirenje, rješavanje pitanja nestalih osoba i slično;
- Aktivno učešće u zajednici (prethodna iskustva, rezultati u radu, projekti, aktivnosti, nagrade, postignuća);
- Iskustvo u radu s različitim ciljnim grupama i spremnost na rad u težim uslovima.

18. Potrebno je ispuniti i sljedeće uslove:

- Uslove ispunjavaju: dva ili više registrovanih udruženja porodica nestalih osoba različitih etničkih grupa koja su registrovana u jednoj od država bivše Jugoslavije; udruženje porodica nestalih osoba registrovano u nekoj od država bivše Jugoslavije i jedna ili više nevladinih organizacija registrovanih u nekoj od država bivše Jugoslavije;
- Projekti koji ispunjavaju uslove treba da se odnose na pitanje nestalih osoba u bivšoj Jugoslaviji;

- Prijedloge dostaviti u predviđenom obrascu za prijedlog projekta. Prijedlozi koji odstupaju od tog formata i smjernica neće biti uzeti u razmatranje;
- Pisani prijedlog za dodjelu granta i prijedlog budžeta poslati faksom, poštom ili e-mailom na dolje navedenu adresu;
- Računi ili troškovi nastali prije početka ugovora o dodjeli granta neće se retroaktivno priznavati;
- Prioritet prilikom dodjele finansijske podrške imat će projekti u kojima su zastupljeni i drugi izvori finansiranja, tj. projekti koji se finansiraju gotovinskim sredstvima (donirana sredstva za rad udruženja) ili donacije u materijalnim sredstvima (papir/kancelarijski materijal, besplatno korištenje ili iznajmljivanje kancelarijskih prostorija po umanjenoj cijeni, obezbjeđenje prevoza ili drugih usluga udruženju, pružanje profesionalnih usluga na volonterskoj osnovi – računovođa, novinar, pravnik, IT podrška, itd.) od strane drugih donatora;
- Obnavljanje prethodno dodijeljenog granta neće se odvijati po automatizmu, a ICMP neće snositi troškove nastale prije početka ugovora o korištenju granta;
- U toku razmatranja prijedloga kontaktirat ćemo vas za sva dodatna pitanja ili pojašnjenja u vezi sa prijedlogom;
- Odabir projekata koji će se finansirati vrši odbor ICMP-ovih zaposlenika i/ili vanjskih savjetnika. Prijedlozi projekata će biti razmatrani u odnosu na druge prijedloge projekata; sredstva neće biti odobrena za sve projekte;
- Podnosioci prijava će biti pismeno obaviješteni o odluci.

VIII. ROKOVI

19. Rok za predaju prijedloga projekata za dugoročnu podršku je **15. novembar 2009. godine u 12:00 sati**. Prijedlozi dostavljeni nakon ovog roka neće se uzeti u razmatranje.
20. Prijedloge projekata za kratkoročnu podršku predati najkasnije 10 dana prije početka aktivnosti, a razmatrat će se po primitku.
21. Prijedloge projekata dostaviti na adresu:

Međunarodna komisija za nestale osobe (ICMP)
Alipašina 45/A
71000 Sarajevo, Bosnia and Herzegovina
Tel: + 387 33 218 660 / Fax: + 387 33 203 297

Patricia Pfister
Koordinatorica Odjela za pravdu i inicijative civilnog društva za Zapadni Balkan
E-mail: jcsi.grants@ic-mp.org

Prilog: Obrazac za prijedlog projekta (uključujući budžet i logički okvir rada),
 ICMP.JCSI.62.1.bos.doc;
 ICMP-ove smjernice za osnovnu podršku, ICMP.JCSI.63.1.bos.doc;
 Spisak dokumenata priloženih uz prijavu, ICMP.JCSI.64.1.bos.doc.